

遊名山一覽記



予素厭卑棲頗耽泉石每聞山水之勝則窮幽極奧雖捫蘿攀緬驚濤破浪亦所欣然願往者第掛冠太蚤僻臥林泉其所遊歷計可屈指諸所謂洞天福地徒形之夢想焉惜哉嘗讀吳門都公玄敬遊山諸記非不詳且文也然止於足跡之所經尚多



遺漏近得同年友何賓巖所輯
名山一書則自勝紀名言以至
先賢題名刻石巨細畢舉所謂
留中丘壑者非歟第以一山而
兩記兼錄甚至襍以四三遂使
簡帙浩繁頗厭重複不曰敘事
者尚詳而纂言者費提其要乎
予故刪繁削冗復纂諸通志所

未及者以補記文之缺并入前
賢之題咏亦庶幾大備哉名曰
天下名山諸勝一覽記使都之
略者益之以詳何之所輯冗者
已繁而所謂文省事增其殆庶
幾乎是編也始於畿甸而及於
要荒詳於通都大邑而不遺夫
遐陬僻壤小至於巖竇而及於

嶽鎮之大始於泉之涓涓而及於江海之滉瀆無際本之乎天造地設巧之乎鬼斧神工極之乎變幻莫測亦可見天地之大何所不容亦何所不有不惟泉石巘洞之勝移來几席而千載之高人逸士玄搜顯陟猶可想見其遺風用繼昔人臥遊之義而山川雖是人物已非感慨繫之矣

先朝丘文莊有言天下之物真爲無窮特限於目之所不及見而止讀此不益信哉且山者一氣之凝融聚毓秀其奇偉雄麗固也而巘洞泉石與象形之瓌詭異常至入于怪果孰劔而孰

刻之哉

萬曆四年歲在丙子秋九月吳
興歸安山泉慎蒙撰



名山記

八序

四

刻名山諸勝一覽記敘終

編輯名山記凡例



一 是編本何濱岩名山記者十之六而增通志及別集所得記文者十之四且蠅頭細字不便觀覽今皆易以大書非專番刻舊本也

一 原集一記而文有三四篇者予細觀之大同小異徒增繁冗今故以一篇為主其三篇中有一節或詩或景有所未及

凡例

者纂而歸於一篇之中刪繁就簡

一 凡紀行長篇如峽蜀之類皆以圈斷之者以一段寫一景若聯而為一恐觀者不及致詳故特圈而別之使景物種種自別

一 集中記文凡用點者景之佳也凡用圈者文之佳善於形容者也用筆之間各有意義

一遊山記文向有活套如曰良辰美景賞
心樂事如曰顯晦待人如曰屢欲遊而
未果今幸得之今皆削而不錄

一詩文之序凡無關於模寫岩洞之景像
者皆削而不錄者以是編紀勝非纂文
也

一記末增以評語者以景象極其竒麗環
瑰而文章又盡其發揮故特表而出之

游名山一覽記卷之一

吳興歸安山泉慎蒙增選

校梓

勝紀

梁竦自負其才鬱鬱不得意登山遠望嘆息曰大丈夫生當封侯死當廟食如不然閑居足以養志詩書足以自娛州郡之職徒勞人耳

本傳

向長字子平讀易至損益卦喟然嘆曰吾已知富不如貧貴不如賤但未知死何如生耳男女娶嫁既畢勅斷家事勿相關肆意與同好北海禽慶俱遊五嶽

名山記

卷之二

一

三百廿二

名山竟不知所終

高士傳

韓康字伯休京兆霸陵人也常遊名山采藥賣於長安市中口不二價者三十餘年

高士傳

王烈嘗入太行山聞雷聲往視之見山石上破數百丈石中有一孔尺餘中有青泥流出烈取搏之隨手堅凝氣味如粳米

高士傳

許邁句容人擇餘杭懸霤山結廬居焉往來茅嶺間放絕世務以尋仙館惟朔望一歸定省而已及親終遂棄家徧游名山莫測所終

高士傳

嵩高山北有大穴莫測其深百姓歲時每遊觀其上

晉初嘗有一人誤墜穴中同輩冀儻不死投食於穴中墜者得之為尋穴而行計可十許日忽曠然見明又草屋中有二人對坐圍棋局下有一杯白飲墜者告以饑渴甚者曰可飲此墜者飲之氣力十倍半年許乃出自蜀中歸洛下問張華華曰此僊館所飲者玉漿也所食者龍穴石髓也

劉義慶世說

郗詵數月山行喜聞樵語牧唱曰洗盡五年塵土腸胃欣然倚驂臨水久之而去

本傳

謝太傅盤桓東山時與孫興公諸人泛海風起浪湧諸人並懼太傅吟嘯自若舟人以公貌閑意悅猶去

名山記

不卷之一

二

三百七十七

不止既風轉急公徐云如此將安歸衆即承響而回

晉書

謝安寓居會稽與王羲之及許詢桑門支遁游處出則漁弋山水入則言詠屬文無處世意常往臨安山中坐石室臨瀆谷悠然嘆曰此亦去伯夷何遠

晉書

阮步兵嘯聞數百步蘇門山中忽有真人幾代者咸共傳說阮往觀見其擁膝巖間籍登嶺就之箕踞相對阮商畧終古上陳黃農玄寂之道下考三代盛德之美以問之佗然不應復叙有為之外棲神導氣之術以觀之彼猶如前凝矚不轉籍因對之長嘯良久

乃笑曰可更作籍復嘯意盡退還半嶺許聞上嗃然
有聲如數部鼓吹林谷傳響顧看乃向人嘯也晉書
稽阮山劉在竹林酣飲王戎後往步兵曰俗物已復
來敗人意王笑曰卿輩意亦復可敗耶世說

羊祜與從事鄒潤甫登峴山垂泣曰自有宇宙便有
此山由來賢達勝士登此遠望者多皆湮滅無聞潤
甫對曰明公德冠四海道嗣前哲令問令望當與此
山俱傳晉書

王濬冲為尚書令著公服乘輅車經黃公酒壚顧謂
後車客曰吾昔與稽叔夜阮嗣宗共酣飲於此壚竹

名山記

卷之十

三

詩三百八十

林之遊亦預其末自稽生天阮公亡以來便為時所
羈繼今日視此雖近邈若山河世說

庾太尉在武昌秋夜氣佳景清佐吏殷浩王胡之之
徒登南樓理詠音調始適聞笛道中有屐聲甚厲定
是庾公俄而率左右十許人步來諸賢欲起避之公
徐云諸君少住老子於此處興復不淺因便據胡牀
與諸人詠謔後王逸少與王丞相言及此事丞相曰
元規爾時風範不得不小頽右軍曰唯丘壑猶存世說
荀中郎羨在京口登北固望海云雖未覩三山便自
使人有凌雲氣若秦漢之君必當褰裳濡足世說

王右軍與謝太傅共登冶城謝悠然遠想有高世之志王謂謝曰夏禹勤邦手足胼胝文王盱食日不暇給今四郊多壘宜人人自効而虛談廢務恐非當今所宜謝曰秦任商鞅二世而亡豈清言致患耶世說

王徽之爲桓冲參軍冲曰卿在府日久當相料理徽之直高視以手扳拄頰曰西山朝來致有爽氣耳時聞吳中一士大夫家有好竹欲觀之便出坐輿造竹下諷嘯良久主人灑掃請坐徽之不顧將出主人乃閉門徽之便以此賞之盡歡而去嘗寄居空宅中便令種竹或問其故徽之但嘯詠指竹曰何可一日無

名山記

卷之一

四

三百九十七

此君耶嘗居山陰夜雪初霽月色清明四望皓然忽憶戴逵逵時在剡便夜乘小船詣之造門不前而反人問之曰本乘興而來興盡而反何必見安道邪過江諸人每至美日輒相邀新亭籍卉飲宴周○顛中坐而嘆曰風景不殊舉目有山河之異皆相視流淚唯王丞相導愀然變色曰當共戮力王室克復神州何至作楚囚相對泣耶世說

郭文河內軹人年十三每遊山林彌旬忘返父母終服不娶辭家徧遊各山洛陽陷乃步擔入吳興餘杭大辟山中窮谷無人之地高士傳

顧協方數歲外從祖張永嘗携内外孫同遊武丘山
撫之曰兒欲何戲協曰兒政欲枕石漱流永嘆息曰
顧氏興於此子

晉書

陶弘景性愛山水每經澗谷必坐卧其間吟詠盤桓
不能自已謂門人曰吾見朱門廣厦雖識其華樂而
無欲往之心望高巖瞰大澤知此難立止自恒欲就
之又特愛松風庭院皆植松每聞其響欣然為樂有
時獨游泉石望見以為仙人

南史

宗炳每遊山水往輒忘歸入廬山就釋慧遠考尋文
義後西陟荆巫南登衡岳因結宇衡山欲懷尚平之

名山記

八卷之一

五

三百七十五

志有疾還江陵嘆曰老疾俱至名山恐難徧觀惟澄
懷觀道卧以遊之凡所游履皆圖之於室為之撫琴
動操欲令衆山皆響

南史

宗測少靜退不樂人間豫章王嶷徵為參軍測答府
云何為謬傷海鳥橫斤山木欲遊名山乃寫其祖所
畫尚子平圖於壁上齋莊老二書自隨子孫拜辭悲
泣測長嘯不顧遂往廬山止祖舊宅其辭侯子響贈
遺曰少有狂疾尋山採藥遠來至此量腹而進松朮
度形而衣薜蘿淡然已足豈容當此橫施又善畫自
圖阮籍遇蘇門於行障上坐卧對之

高士傳

沈麟士居貧織簾誦書不輟鄉里號為織簾先生家世孤貧藜藿不給懷書而耕白首無倦挾琴採薪行歌不輟并日而食守操終老

高士傳

褚伯玉少有隱操寡嗜慾居剡瀑布山性耐寒暑時人比之王仲都在山三十餘年隔絕人物

高士傳

庾承先少沉靜有志操與道士王僧鎮同遊衡嶽又居五臺山寄情丘壑徐則東海剡人嘗嘆曰名者實之賓吾其為賓乎遂懷棲隱之操杖策入縉雲山中又入天台山因絕穀養性五十餘年所資惟松栢水而已

高士傳

名山記

不卷之一

六

三百六十四

道吾山圓智禪師藥山問何處來曰遊山來藥曰速道將來曰山上鳥兒白如雪澗底遊魚忙不徹

傳燈錄

元德秀愛陸渾佳山水乃定居不為垣墻扇鑰歲饑日或不爨嗜酒陶然彈琴以自娛房琯每語人曰見紫芝眉宇使人名利之心都盡

唐書本傳

李白客任城與孔巢父韓準裴政張叔明陶沔居徠山日沉飲號竹溪六逸浮遊四方嘗乘月與崔宗之自采石至金陵著宮錦袍坐舟中旁若無人晚好黃老度牛渚磯至姑熟悅謝家青山欲終焉

本傳

太白中峰絕頂有胡僧不知幾百歲眉已長數寸身

不製繒帛衣以草葉常持楞嚴經路僻迴絕人跡罕
到遇東峰有鬪虎弱者將死而僧以杖解之西湫有
毒龍久而為患而僧以器貯之商山趙叟前年採茯苓
深入太白偶值此僧宿余嘗有獨往之意聞而悅
之

岑參詩序

張志和居江湖自稱煙波釣徒築室越州東郭茨以
生草椽棟不施斤斧豹席櫬屨每垂釣不設餌志不
在魚也陳少游表其居曰玄真坊為買地大其閤號
回軒巷先是門阻流水無梁少游為構之號大夫橋
陸羽嘗問孰為往來曰太虛為室明月為燭與四海

名山記

卷之一

七

三百七十一

諸公共處未嘗少別又語顏真卿曰願為浮家泛宅
往來若雪間

唐書

呂岩字洞賓會昌中兩舉進士不第去遊廬山遇異
人得長生訣多游湘潭岳鄂之間人莫之識嘗題岳
陽樓詩云朝遊北粵暮蒼梧袖有青蛇膽氣麤三入
岳陽人不識朗吟飛過洞庭湖

風土記

田游巖嘗補太學生罷歸入太白山棲遲山水間自
蜀歷荆楚愛夷陵青溪止廬其側召赴京師行及汝
辭疾入箕山居許由祠傍自號曰由東鄰高宗幸嵩
山遣使就問其母又親至其門游巖野服出拜帝謂

曰先生比佳否對曰臣所謂泉石膏肓烟霞痼疾者

唐書本傳

終南山隱者不知何許人也長慶間有嚴士則者採藥終南山誤迷於巖嶂之間所齎糧糗既盡四遠復無居人忽見茅屋數間遙出松竹之下煙蘿四合纔通小徑士則連叩其門竟無出者窺籬隙內有一人於石榻偃卧因推戶直造其前隱者方攝衣起士則拜罷自陳行止因遣坐于盤石之上亦問京華近事曰天子嗣位幾年吾自安史犯闕居此也遂於梁棟間啓紙囊其中有百餘顆如菡豆狀取鑿拾薪汲泉煮之良乂甚有香氣視之已如掌大曰可以食矣渴即取鑿中餘水飲之士則方啗其半已極豐飫乃告以歸路高士傳

名山記

卷之一

八

三百六十七

嵩山有神人焦鍊師者不知何許婦人也又云生於齊梁時其年貌可稱五六十常胎息絕穀居無室廬遊行若飛倏忽萬里世或傳其入東海登蓬萊竟亦不能測其往也余訪道少室盡登三十六峰聞風有寄酒翰遙贈云李太白集

唐李約司徒汧公子雅度玄機蕭蕭冲遠有山林之致在湖州嘗得古鐵一片擊之清越又養一猿名山

公嘗以隨逐月夜泛江登金山擊鐵鼓琴猿必嘯和
傾壺達旦不俟外賓

雲麓漫抄

韓文公遊華嶽之巔顧視其險絕恐慄度不可下乃
發狂慟哭而欲繼遺書為訣王玄仲欲登蓮花峰約
寺僧到峰頂當起煙為信翌日持火而登僧候至午
果有煙起留二旬乃下僧問之云峰頂有池蒼藹盛
開可愛其中又有破鐵舟焉

華山記

醉吟先生宦遊三十載將老退居洛下所居有池五
六畝竹數千竿喬木數十株臺榭舟船具體而微與
嵩山僧如滿為空門友平泉客韋楚為山水友彭城

名山記

六卷之一

九

三百七十八

劉夢得為詩友皇甫朗之為酒友每一相遇欣然忘
歸洛城內外六七十里間凡觀寺丘墅有泉石花竹
者靡不遊人家有美酒鳴琴者靡不過有圖書歌舞
者靡不觀

白氏長慶集

魏野居陝州之東郊手植竹樹清泉環遶旁對雲山
景趣幽絕鑿土袤丈曰樂天洞前為草堂彈琴其中
好事者多載酒殺從之游嘯詠終日出則跨白驢

宋史

林逋恬淡好古客游江淮久之歸杭結廬西湖之孤

山二十年足不及城市嘗蓄兩鶴或汎小艇出游客

至則童子開籠縱鶴逋隨放植而歸

高士傳

司馬公居洛嘗同范景仁過韓城抵登封憇峻極下
院登高頂入崇福宮會善寺由轅轅道至龍門遊廣
愛奉先諸寺上華巖閣千佛巖尋高公堂渡潛溪入
廣化寺觀唐郭汾陽鐵象涉伊水至香山黃龕憇石
樓臨八節灘過白公影堂凡所經從皆有詩公不喜
肩輿山中亦乘馬路險策杖以行故嵩山題字曰登
山有道徐行則不困措足於平穩之地則不跌其旨
遠矣

聞見錄

章子厚與蘇子瞻游南山抵仙游潭之上絕壁萬仞
岸甚狹子厚推子瞻下潭書壁子瞻不敢子厚履險

名山記

卷之一

十一

三百七十八

而下以漆墨濡筆大書石壁上曰蘇軾章惇來子瞻
撫子厚背曰子厚必能殺人子厚曰何也子瞻曰能
自判命者必能殺人子厚大笑

合壁事類

予以嘉定十一年仲冬甲戌于歸宗訪墨池鏡溪乙
亥自俞峰天宮萬華重雲上紫霄峰欵杏林覺性丙
子至靈谿三將軍洞由隆教過翻經臺栗里醉石歸
去來館濯足靈湯暮抵康王觀丁丑泝澗酌谷簾泉
還山與朱洙陳伯賢段日巖向公莫同來子瀟侍釋
元澄鐫石

宋劉元剛紀遊誌

春陵周茂叔人品甚高胸中灑落如光風霽月好讀

書雅意林壑初不為人窘束世故茂叔雖仕宦二十
年而平生之志終在丘壑湓城有水發源於蓮花峰
下潔靚紺寒下合於湓江茂叔濯纓而樂之築屋於
其上

黃魯直濂溪詩序

朱文公每經行處聞有佳山水雖迂途數十里必往
遊焉携樽酒一壺銀杯大幾容半升時引一杯登覽
竟日未嘗厭倦又嘗欲以木作華夷圖刻山水凹凸
之勢合木八片爲之以雌雄筍相入可以折度一人
之力足以負之每出則以自隨

鶴林玉露

竹溪逸民陳洄嘗抵掌于几曰人生百歲能幾日暮

名山記

卷之一

十一

三百八十九九

所難遂者適意耳戴青霞冠披白鹿皮裘所居近大
溪篁竹脩脩然生當明月高照水光瀲灩共月爭清
輝輒吹短簫乘小舫蕩漾空明月簫聲挾秋氣爲豪
直入無際宛轉若龍鳴深泓絕可聽簫已叩舷歌曰
吹玉簫兮弄明月明月照兮頭成雪頭成雪兮將奈
何白漚起兮衝素波人以爲世外人

逸民傳

吳萊字立夫好游嘗東出齊魯北抵燕趙每遇中原
竒絕處及昔人歌舞戰鬪之地輒慷慨高歌呼酒自
慰頗謂有司馬子長遺風及還江南復游海洲歷蛟
門峽過小白華山登盤陀石見曉日初出海波盡紅

瞪然長視思欲起安期羨門而與之游由是襟懷益
踈朗文章益雄宥有奇氣嘗謂人曰胸中無三萬卷
書眼中無天下奇山川未必能文縱能亦兒女語耳

浦陽人
物記

王冕買舟下東吳度大江入楚淮歷覽名山川或遇
奇才俠客談古豪傑事即呼酒共飲慷慨悲吟人目
為狂奴北游燕館泰不花家泰薦之曰不滿十年此
中狐兔遊矣隱九里山種豈三畝粟倍之樹梅花千
桃杏居其半芋一區薤韭各百本引水為池種魚千
餘頭結茅廬三間自題為梅花屋

宋學士集

名山記

卷之一

十二

三百六十九

往者壬戌七月之望予偕葉夷仲張廷璧林公輔陳
元采夜登巾山絕頂飲酒望月縱談千古竟夕不眠
予謂葉君曰昔蘇子瞻夜登黃樓觀王定國諸公登
桓山吹笛飲酒乘月而歸以為太白死三百年無此
樂矣斯樂又子瞻死三百年後所無也諸君皆大笑

方正
學集

李白登華山落鴈峰曰此山最高呼吸之氣想通帝
座恨不携謝朓驚人詩來搔手問青天耳

本傳

辯才老師退居龍井不復出入軾往見之常出至風
篁嶺左右驚曰遠公復過虎溪矣辯才笑曰杜子美

不云乎。與子成二老。來往亦風流。因作亭嶺上。名之

曰過溪。亦曰二老。東坡集

鐵脚道人嘗愛赤脚走雪中。興發則朗誦南華秋水篇。嚼梅花。蒲口和雪嚙之。曰吾欲寒香沁入肺腑。後去採藥衡岳。夜半登祝融峯。觀日出。仰天大叫曰雲海盪吾心胸。心遠堂文草

予泊舟空舫灘上。野服登岸。眺望由曲徑窈窕入平林。度石梁。又斗折而西行。數百步見峭壁攢峰如屏。中有石潭。水色幽絕。可鑑鬚眉。潭上有石筍駢立。勢欲墮。有泉出石竇若噴雪花。潺潺落潭中。傍有磐石

名山記

卷之一

十三 三百七十

如席。石傍有古松三株。虬枝竒崛。綠陰威蕤。予欣然會心。小憩石上。以觀泉流。俄有一翁曳杖而來。癯然山澤之姿。似有道者。予揖而與之坐。款語移時。因問翁居閒處。獨亦觀書乎。翁曰壯年服膺九字經。今耄矣。又曰人生分定。機關計較。都不濟事。已而蒼然暮色。自四山而至。予遂與翁別。霞外雜俎序

宋景濂性疎曠。每携友生徜徉梅花間。轟笑竟日。或獨卧長林下。看晴雪墮松頂。雲出沒巖扉間。悠然以自適。嘗與弟子入龍門山著書二十四篇。曰龍門疑

道記。王禕著宋太史傳

李觀遊南嶽有一人持釘鉞之具問曰聞君遊南嶽
奉煩寄語養素先生藍方云劉處士奉問十月懷胎
如何出得觀至南嶽訪方具道其語方驚曰其人眉
間得無有白痣乎曰然方驚曰此劉海蟾也吾養聖
胎已成念非斯人不足以出之吾之不過命也列仙傳
宋五甲寅夏閏乙未后山翁涑蔡公亮瑤田張復同
遊九曲邂逅園田詹然於大隱屏下相拉觀一字天
之勝然之弟炤載酒來會引觴命酌誦朱夫子神虎
三章慨然有感援筆賦詩題名而歸公亮書然鐫石

武夷山志

名山記

卷之一

十四 三百四十五

孫太初關中人年十八入終南山繼入太白山嚼草
木居息大石厓上時有所得赤脚散髮走山最高峯
持古松根扣巨竒石以歌久之東入華南浮湘漢登
衡祝融峰返高山渡汴謁闕里思孔子遺風依依不
忍舍去遂上岱宗日觀峰觀夜半日出滄海中發狂
大呼自以為竒偉復南經吳入越探會稽禹穴訪天
台石橋返渡楊子江訪殷雲霄東海上與登孤山矚
海門月餘別去

殷雲霄撰太白山人傳

名言

趨蜀道履黃牛因覩江山之勝亂石排空驚濤拍岸
歛巨石於江中崔嵬嶮峻列作三峰平治泝水順遵
其道非神扶助於禹人力奚能致此耶僕縱步環覽
乃見江左大山壁立林麓峰巒如畫孰視於大江重
複石壁間有神像影現焉髮鬢眉冠裳宛然如綵
畫者前豎一旌旗後駐一黃犢猶有董工開導之勢
古傳所載黃龍助禹開江治水九載而功成信不誣
也

諸葛孔明黃陵廟記

簡文入華林園顧謂左右曰會心處不必在遠翳然

名山記

八卷之一

十五

三百廿八

林木便自有濠濮間想也不覺鳥獸禽魚自來親人

世說

顧長康從會稽還人問山川之美顧云千巖競秀萬

壑爭流草木蒙籠其上若雲興霞蔚

世說

王逸少答殷深源書

吾素志無廊廟王丞相欲內吾誓不許之手跡猶存
由來尚矣不於足下參政而方進退自兒婚女嫁便
懷尚子平之志數與親知言之非一日也

王右軍與謝安石書

蜀中山水如峨眉山夏含霜電碑板之所聞崑崙之

伯仲也

雷次宗與子姪書

吾童稚之年已懷遠畧弱冠託廬山事釋和尚遊道
餐風二十餘載淵匠既傾復與汝曹歸耕先隴山居
谷飲忽復十年及今未老尚可勵志成西歸之津梁
自今以往家務大小一勿見聞

巖下老人者不知何許人漢武帝南巡狩過潯陽詔
舉逸民時老人澹然處於巖下左右強以應詔老人
曰堯仁如天孤雲自飛一水一石臣之樂也帝曰卿
不願仕耶曰束身王朝其如北山之雲何

南康志

名山記

入卷之一

十六

三百四十

謝靈運與弟書

聞惡道溪中九十九里有五十九灘王右軍遊此惡
道歎其奇絕遂書突星瀨於石

謝靈運與廬陵王義真書

會境既豐山水是以江左嘉遯竝多居之但季世慕
榮幽棲者寡或復才為時求弗獲從志至若王弘之
拂衣歸耕踰歷三紀孔淳之隱約窮岫自始迄今阮
萬齡辭事就閑纂成先業浙河之外棲遲山澤如斯
而已既遠同羲唐亦激貪厲競殿下愛素好古常若
布衣每意昔聞虛想巖穴若遺一介有以相存真可

謂千載盛美也

陶弘景答謝中書書

山川之美古今共談高峯入雲清流見底兩岸石壁
五色交輝青林翠竹四時俱備暗霧相歇猿鳥亂鳴
夕日欲流沉鱗競躍實是欲界之仙都自康樂以來
未有能與其奇者

吳均與顧章書

僕去月謝病還覓薜蘿梅溪之西有石門山者森壁
爭霞孤峰限日幽岫含雲深溪蓄翠蟬吟鶴唳水響
猿啼嚶嚶相雜綿綿成韻既素重幽居遂葺宇其上
名山記
卷之一
十七
三百〇七
幸富菊花偏饒竹實山谷所資於斯已辨仁智所樂
豈徒語哉

吳均與朱元思書

自富陽至桐廬一百許里水皆縹碧千丈見底游魚
細石直視無礙急湍甚箭猛浪若奔夾峯高山皆生
寒樹負勢競上互相軒邈爭高直指十百成峰泉水
激石泠泠作響好鳥相鳴嚶嚶成韻經綸昔務咸窺
谷忘返矣

廬山者雖林石異勢而雲霞共色長風暴作則萬流
俱響晨颺曉吟則百嶺齊應東瞻洪井識曳帛之在

茲西望石梁見指寶之可捨梁元帝游廬山碑序

白樂天與元微之書

僕去年秋始游廬山到東西二林間香爐峰下見雲水泉石勝絕第一愛不能捨因置草堂前有喬松十數株修竹千餘竿青蘿爲牆垣白石爲橋道流水周於舍下飛泉落於簷間綠柳白蓮羅生池砌大抵若是每一獨往動彌旬日平生所好者盡在其中不惟忘歸可以終老

唐王維山中與裴迪書

近臘月下景氣和暢故山殊可過足下方溫經猥不

名山記

卷之一

十八

三百五十八九

敢相煩輒便往山中憇感配寺與山僧飯訖而去北涉玄灞清月映郭夜登華子岡輞水淪漣與月上下寒山遠火明滅林外深巷寒犬吠聲如豹村墟夜春復與疎鐘相聞此時獨坐僮僕靜默多思曩昔攜手賦詩步及逕臨清流也當待春中草木蔓發春山可望輕條出水白鷗矯翼露濕青皋麥隴朝雉斯去不遠儻能從我遊乎非子天機清妙者豈能以此不急之務相邀然是中有深趣矣無忽因馱黃葉人往不一山中人王維白

天下山河之象存乎兩戒北戒自二危積石負終南

地絡之陰。至瀝貊朝鮮謂之北紀。天所以限戎狄南
戒自岷山嶓冢負地絡之陽。至東甌閩中謂之南紀。
天所以限蠻夷河源曰北河。由北紀首達華陰。與地
絡會。又分而東流。與涇渭濟瀆相表裏。江源曰南河。
自南紀首達華陽。與地絡會。又分而東流。與漢水淮
瀆相表裏。觀兩河之象。與雲漢之終始。而分野可知
矣。唐法象志

見蒼梧塗山。則思舜禹恤民之艱。覩窮荒大漠。則悟
秦漢勞師之弊。覽齊墟晉壤。則想桓文勤王之霸。觀
洞庭荆門。則知苗蜀恃險之敗。呂溫地誌圖序

名山記

卷之一

十九

三三五七九

元豐六年十月二日夜。解衣欲睡。月色入戶。欣然起
行。念無與樂者。遂至承天寺。尋張懷民。懷民亦未寐。
相與步於中庭。庭中如積水。空明水中藻荇交橫。蓋
竹柏影也。何夜無月。何處無竹柏。但少閑人如吾兩
人耳。寓惠錄

久在江湖。不見偉人。前在金山。見滕元發。乘小舟。破
巨浪。來相訪。出船。巍然使人神聳。卧游錄
洛陽古帝都。山川風氣清明。盛麗居之。可樂。平川廣
衍。東西數百里。高山少室。天壇王屋。岡巒靡迤。四顧
可挹。伊洛瀍澗。流出平地。故其山川之勝。泉流之潔。

雖其閭閻之人與公侯共之一晦之宮上矚青山下
聽流水竒花修竹布列左右而其貴家巨室園圃亭
觀之盛實甲天下

東坡

元豐三年夏六月過廬山涉其山之陽入棲賢谷谷
中多大石岌業相倚水行石間其聲如雷霆如千乘
車行者震掉不能自持雖三峽之險不過也故其橋
曰三峽渡橋而東依山循水水平如白練橫觸巨石
匯為大車輪流轉洄湧窮水之變院據其上游石倚
石壁左俯流水石壁之跡僧堂在焉狂峯怪石翔舞
於簷上杉松竹箭橫生倒植葱蒨相糾每大風雨至
名山記

卷之一

二十一

三百六十二

堂中之人疑將壓焉問於習廬山者雖茲山之勝栖
賢蓋以一二數矣

卧游錄

秋潦方漲水向千里月出房心間風露浩然獨與兒
子邁棹小舟至赤壁西望武昌山谷喬木蒼然雲濤

際天

東坡

五日下午山至東西林兩寺相去不百步一溪清駛橫
貫其間皆自方丈前廊廡下過他處所無有也白蓮
池在東林法堂前白公草堂基在寺東久廢近歲乃
復創數楹制殊狹陋然亦非其正處矣

朱文公山
北紀行

宋洪景廬西山亭記

天地發育萬物孳成于西故名山川多西今夫所謂
瑤池崑崙閬風玄圃日月之所避隱神仙之所窟宅
正在流沙弱水外中州指為西故其扶輿英淑之氣
渙而宅之雖一巖壑一硯臺地無中邊亦莫不爾杭
漢汝陰之西湖洪蜀朶之西山嘉之娥眉巴陵岳陽
之樓黃之臨臯金陵之賞心白鷺揚之平山吳之蘇
臺茂苑荆楚之雲夢郢之白雪滌之瑯琊九江之廬
樓皆延庚挹辛賓夕陽而導初月校奇品勝於登臨
最宜

登州蓬萊閣上望海如鏡向與天相際忽有如黑豆

名山記

不卷之一

廿二

計三百十

數點者郡人云海舶至矣不一炊爨已至閣下

東坡

趙季仁謂余曰某生平有三願一願識盡世間好人
二願讀盡世間好書三願看盡世間好山水余曰盡
則安能但身到處莫放過耳大抵登山臨水足以觸
發道機開豁心志為益不少季仁曰觀山水亦如讀
書隨其見趣之高下

鶴林玉露

荊州記載鹿門事云龐德公居漢之陰司馬德操宅
州之陽望衡對宇歡情自接泛舟褰裳率爾休暢記
沮水幽勝云稠木傍生凌空交合危巖傾岳恒有落
勢風泉傳響於青林之下巖猿流聲於白雲之上遊

者常苦目不周玩情不給賞記三峽水急云朝發白
帝幕宿江陵凡一千二百餘里雖飛雲迅鳥不能過
也丹鉛餘錄

水竹之間結一茅菴題曰面壁吸粥茹蔬以送昏曉
無日不在是間也携家南來汎錢塘登草坪度分水
嶺入閩游武夷諸峰徘徊歸宗巖皆滿向來山水之
願宿痾老態恨此行太晚也

輕舟軟輿上下山水間如在畫圖不知身是遷客也
入閩尤勝大都丹崖碧潭隨處而有至於橫嶂絕壁
倚天卓立白雲英英卷舒其下剡削點綴疑有神工
鬼斧不可名狀每每忘返

名山記

不卷之一

二十三

二百七十一

清明時節樓船簫鼓行江南道中亦復奇勝三月三
日渡江過儀真從陸抵環滁雨中望醉翁亭甚適自
此渡淮泗溯黃河登太行陟上黨涉沁橫汾入晉陽
即日將出鴈門入雲中歷覽長城之塞帥諸生較射
慨然有北向燕然之志每當意會處未嘗不念東濱
同之出巡將及千里往返山川有極佳者大率太行
西麓為山西萬山中得一平曠有水處便立州縣城
堞外四面皆山真所謂萬疊雲屏也五臺尤靈恠而
長松喬木高下森矗如虬龍肩輿只行樹稍也六月

須挾纈都無暑氣尚欲抵雲中觀漢武五將軍出塞
之地上醫巫閭然後南還耳

方正學與盧希魯書

四月七日至長安又半月至寶鷄由寶鷄渡渭始入
山歷棧道凡十日以閏月一日抵漢中離家至此一
百二十四日水陸幾千里蒙被國恩例得舟車與妻
子輩幸免徒步之勞途中過虎牢峭函潼關之壯瞻
華嶽終南太白之秀觀周秦之故都弔賢君哲士之
陵墓循漢祖就國之故道追惟一時俊傑竒謀雄烈
令人慨然而思惻然而感忘乎所經之險所之之遠

名山記

卷之一

二十三

三百四十七

也第恨病餘才思拙澁不能悉見諸詠歌以發胸中
之所蘊以是慚負古人耳

十五六時侍父北游濟上歷齊魯之故墟覽周公孔
子廟宅求七十子之遺跡問陋巷舞雩所在慨然有
願學之志嘗在郡城會集林張陳四君子登巾山絕
頂縱談千古竟夕不寐自以此樂乃蘇子瞻死後三
百年所無也

方正學事狀

水經

蘇子瞻志林有三江味別之說蔡傳深非之然以禹
貢本文論之揚江言三江既入而於經言江漢朝宗

于海則同流而自爲道可知矣許敬宗謂濟入河湫地南出亦以味別以今楊子江心有南零北零之異則知其入而不合正不疑也古有五行之官水官得職則能辨其性味潛而復出合而更分皆可辨之故師曠易牙俞兒張華王劭陸羽張又新劉白芻李季卿品天下之水性味不同蓋古水官之遺法豈獨爲口腹哉蘇子之說蓋本於此味別之說恐不可廢况蔡氏於後章之傳亦性別鹹苦之說何獨怪蘇子哉又考郭緣生述征記緣生於河上遇一書生問之曰何知濟與河上源不異物之不同猶鉛錫也比濟既入於河性與河別不能合混滲漉入地伏行而溢爲滎爾今之歷下發地悉是流水濟所過也東阿之井濟所溢故今阿膠上濁佳吐下膈踈痰正以性趨下清而且重故治於濁逆上之病譬如油之與水固不同情九夏之辰冷熱之風亦各爲隊豈必謂無水過水哉涇渭分曹南北異零此理不少鄭樵謂山過山則分水過水則合世無山過山水過水之理謂漢入於江其文止此有脫文況入於河其文亦止於此而溢爲滎之上當更有導汎水數句說經不通不以爲脫必以爲誤此書生之竺疾也慎嘗闢其說云山過

山則分雖分而性不分如羅浮二碣以風雨而合離蓬萊兩山隨波濤而上下玄中記云名山有孔竅相通是也水過水則合雖合而性不合沈括云水以漳名者從水於章章者別也文也謂兩物相合有文章可別也清漳濁漳合於上黨當陽者沮漳合流也瀨上者章貢合流也鄣郡者西江合流也毫漳者漳渦合流也雲夢者漳鄖合流也凡此數處皆清濁合流色理如蠅蝮又數十里如璋璋者判合之器也白公問於孔子曰以水投之何如孔子曰淄澠之味易牙能知之斯固味別之說也蔡氏之譏蘇子亦過矣

名山記

卷之一

或問余水味之說則詳矣水性之別何如曰班固司

馬遷貨殖傳地理志備矣論其極則庭州灞水金鐵

皆漏

庭州灞水在大荒之外以金鐵承之皆漏惟角與瓠葉則否拘夷山中有流水亦如之 鄜

延之川日夜脂流

即延安石油也以爲煙墨松脂不及唐詩二即山下雪紛紛石煙多

于洛陽塵

南荒黑有溪水其水以塗 弱水弱毛黑溪玄髓水象至輒不去崑崙兒以

塗身即能乘象如家畜古所謂黑崑崙今之象奴也

悉唐制角畔怯腐手

見佛經

水性不同有如此者學所以貴博物也司馬子長自叙云上會稽探禹穴此子長自言徧遊萬里之日上會稽總吳越也探禹穴言巴蜀也後人誤解遂言禹穴在會稽按蜀之石泉縣禹生之地其石沓深人跡

不到古碑有禹穴二字李白所書也古人作文決不重複如禹貢曰雲土夢作又雲在江北以五言而括千餘里又曰蔡蒙旅平蔡在雅州蒙在雲南亦四字而括千里餘蔡沉等繆云蒙在雅州誤矣

潞有東潞西潞西潞今山西潞州東潞今北京潞河
活有南活北活北活琅琊靈門南活九疑陵雲夢
有南夢北夢見左傳註俱丹鉛餘錄

羅咸嘗受薦使西域由汴過秦入巴蜀出納口歷滇池逾乾崖緬里之地又轉而之陰山過古輪臺放靈州抵瓜州縱觀先代遺跡乃歎曰子長之遊不過是

名山記

卷之一

三十六

三百八十四

也於是沿朔涉代遵幽薊畧燕趙而歸作西遊錄凡山川人物花木鳥獸與夫土地所宜風俗所尚靡不畢識羅氏族譜內傳

崑崙天下山之頂也迺天下山之至高處山之起勢處其東面中原也所以江淮河濟水皆東流也其西面西域諸國也自流沙以西水皆西流也南自吐蕃兩廣水皆南趨也北即沙漠又天下岡脊至高之處直北虎林至海都木鉢子田地地勢又逐漸而低水皆北流南視陰山之地反為極南之境矣以此觀之地形如一亭子中高而四方下崑崙乃其結頂處四

下之簷乃四方之國土考其流水可見必皆會同於

四海

草木子

天水張茂先南昌黃魯直弟叔向建中靖國三年丁

卯同來時新雨晚晴同登鍾閣觀白鹽之崇峒想少

陵之風流歎大雅之不作徘徊久之

山谷題固陵寺壁

朝奉郎新當塗守黃庭堅於崇寧元年四月丁未來

謁叔元晚登秀江亭澄波古木使人得意於塵垢之

外蓋人閑景幽兩奇絕耳

山谷集

揚億至道中知處州與李起居書郡齋迥在霄漢石

磴盤曲策馬征登嵐靄滴衣烟霞滿目

名山記

不卷之一

三七

三百七十一

歐陽永叔與郭刑部簡

承諭以嵩山之游豈勝跂羨此樂常為山人處士得
之衣冠仕宦比其汲汲得如其志不老則病矣雖有
登臨之興勉強而為之已不勝其勞也若神完氣銳
惟意所適如公之樂者百無一二人也

魏文帝與吳質書

每念昔日南皮之遊誠不可忘既妙思六經逍遙百
氏高談娛心同乘共載以遊後園清風夜起悲笳微
吟樂往哀來愴然傷懷昔日遊處行則連輿立則接
席每至觴酌流行絲竹並奏酒酣耳熱仰而賦詩當

此之時忽然不自知其樂也。追思昔遊，猶存心目。既痛逝者，行自念也。

松江漁翁者，不知其姓名。每棹小舟，游長橋，往來波上，扣舷飲酒，酣歌自得。嘗曰：養志者忘形，養形者忘利。致道者忘心，心形俱忘，其視軒冕如糞土耳。高士傳

阮光祿在東山，蕭然無事，常內足於懷。有人以問王右軍，右軍曰：此君近不驚寵辱，雖古之沉冥，何以過此。世說

王胡之與庾安西牋

此間萬頃江湖，撓之不濁，澄之不清，而百姓接一綸。

名山記

不卷之一

二十八
三言世

下一筌皆奪其魚噐，不輸十足，皆不得放。不知漆園吏何得持竿，不顧漁父何得鼓棹而歌滄浪也。

西竺千歲和尚與行脚僧書

三峨高出五岳，秀甲九州，震旦國第一山也。

宗測答豫章王書

性同鱗羽，愛止山壑，眷戀松筠，輕迷人路。縱宕巖流，有若狂者。忽不知老至，而今髮已白，豈容課虛責有限魚鳥慕哉。

吾嘗絕江淮而北行，登泰山而望之，四方矣。昔之英雄豪俊，高車大纛，馳騁乎名都壯邑之中。田夫巷婦

噴噴隨而瞻望之以爲神人者皆是百年以來唯見斷碑殘壘狐狸窟而烏鳶號其上豈非借之於造物者復歸之冥漠之中乎

借竹軒記

歐陽永叔與梅聖俞書

去年夏中因飲滁水甚甘問之有一土泉在城東百步許遂往訪之乃一山谷中山勢一面高峯三面竹嶺回抱泉上舊有佳木一二十株乃天生一好景也遂引其泉爲石池甚清其作亭其上號豐樂亭亦宏麗又於州東五里許靈溪上有二怪石乃馮延魯家舊物因移至亭前廣陵韓公聞之以細芍藥十株見名山記

八卷之一

二十九

三百七十六

遺亦植於其側其他花竹不可勝紀山下一徑穿入竹篠蒙密中豁然路盡遂得幽谷。

彭城佳山水魚蟹爭訟寂然盜賊衰少聊可藏拙寓居去江無十步風濤烟雨晡夕百變江南諸山在几席此幸未始有也

東坡與司馬溫公書

山類賦

夫山者宣也宣氣生萬物者也爾其天孫日觀終南太一蓬萊九氣崑崙五色天台赤城龍門積石訪至道於崆峒識神人於姑射江郎之一子還家

郡國志曰江郎

山三峯上又各有巨石昔山下民兄弟三人化於此晉永嘉之亂湛滿者亦居山側有一子住宦不得歸

禱於三石旬日中湛子出洛水見三少年林慮之雙使閉目入車中恍然不知所之良久至家

童不食顏修內傳曰橋順二子曰璋曰瑞師事仙人盧子基於林慮山棲霞谷服飛龍藥一九千

年不飢故魏武詩曰西節彼南山始於一奉度懸之山有雙童不飲亦不食

祭爾雅曰祭山曰度懸配林是先故梁為晉望岷實江源聳香

爐之秀出抗射的高懸水經註云會稽有射的山遠望如射侯上人以占暗

則米貴諺云射的白斛一百射的玄斛一千至若觸石吐雲含澤布氣鳴

陳倉之寶鷄三秦記曰太白山南有陳倉山山有石與鷄不別趙高燒山雞飛去晨鳴山頭

聳聞三十里或翔淳于之白雉武陵記曰淳于山與人謂是王雞

半有白石雉遠望首尾可長二丈伸足翔翼若虛中翻飛既含情於度木亦游心

於覆簣登宛委而得書出器車而表瑞黃帝之遊具

名山記 卷之一 三十

茨夏王之登會計爾其探禹穴紀秦功或形標九子

九華山錄曰峯巒異狀其數有九故號九子李白更號九華禮曰五嶽視三

公四瀆著屐嘗聞於靈運朽壤曾聞於伯宗至若汶

為天井河圖曰汶山之地為井絡天岐為地乳河圖

山在崑崙東維應桐柏畢連鳥鼠河圖曰鳥鼠同穴南為地乳

掩畢嘉無恤之臨代美仲尼之小魯或形類冠幘或

狀同抱鼓隋圖經曰燕山在易縣巖側有石鼓去地百餘丈望之若數百石困左右梁貫之鼓

東南有石人接桴同擊世感叱馭之忠臣識擣衣之

玉女郡國志曰靈山昔有神女於此擣衣因號擣衣云燕山石鼓鳴則有兵

縣圃嘗留於穆滿踈屬曾拘於貳負則有石帆孤出

夏侯魯先志曰會稽山有石砥柱分流水經注曰砥柱者禹治洪

水分陵當水者鑿之故破山以通河河巨靈之擘太

華郭緣生述征記曰華山與首陽本同一山共工之

觸不周秦望則金簡玉書靈祕之所潛隱羅浮則璿

房瓊室神仙之所嬉遊又聞嬴政曾驅愚公欲徙觀

修羊於華陰見王喬於緱氏指闕遠屬於牛頭晉書

帝渡江草創欲立石闕於宮門未定王導隨駕出積

甲遙齊於熊耳陳觀漢記曰赤眉初降輦輸至有群

玉册府崑崙下都洞臺濤霍道經曰霍山下有洞臺

也員嶠方壺觴百神者帝臺迎四皓者高車及夫瞻

名山記

卷之一

掛鶴之悠揚臨海記曰郡西有白鶴山山上有池泉

望盤龍之宛轉聞蘇門之清嘯訪西陽之逸興詠干

言之飲宿紀雲亭之封禪亦有蘭巖啖鶴神境記曰

蘭巖山峭拔千丈傳云昔有夫婦隱此山數百年化

今嚮動巖谷為雙鶴忽一旦一鶴為人所害其一鶴歲常哀鳴至

莫知年歲女陽山東金華叱羊再成三襲朝陽夕陽爾雅曰

日朝陽桂陽話石吳宮採香凜冽而風門激吹晶

熒而火井揚光其戴石為砧多草為岵摘天柱之仙

桃郡國志靈臺山天柱巖有一桃樹高五尺皮是桃

桃心肉似栢張陵與王良趙升試法於此曰百餘年

有小碑記之采華容之雲母荆南志曰華容方臺山

候雲所出之處於其下掘取無不大獲者往往有長

五六尺可為屏風當掘時忌有聲否則所得麓惡矣

尋謝敷之紫石

孔靈符會稽記曰諸暨縣有烏帶山其上多紫石世人莫知居士謝敷少

時經始詣山往往遷易功費千計生業將盡後遊此境夢山神語之曰當以五十萬相助但見主人林下

有異石色甚明徹試取瑩拭乃紫石因問訪桓温之所從來云出此山遂往掘果得利不訾

白紵宣城圖經曰白紵山本名楚山桓温領駭媯宮

之臺榭識仇池之樓櫓亦有烏龍白騎紫蓋青泥羊

腸鳥翻馬鞍牛脾郡國志曰柳州馬嶺山本名牛脾山續南越志曰馬鞍山始皇時望

氣者云南海有五色氣遂發卒千人鑿以斷山之岡阜今其山形如馬鞍今以名之又襄陽記曰楚山

名馬鞍山劉弘山猿門聳拔益州記曰猿門山在涪簡九日賞宴之所

雁塞逶迤仙翁種玉烈女磨笄隋圖經曰磨笄山在懷戎縣昔

趙襄子殺代王其夫人曰代已亡矣吾將何歸遂磨笄於山而自殺代人名其山為磨笄山

名山記

卷之一

三十一

六頁共

蔡誕約信安期見祝融之降崇聞鷲鷲之鳴岐復聞

馬援壺頭武陵記壺頭山在縣東援所穿室也羊公

峴首挹少室之石膏河圖云少室山有飲洞庭之美

酒又若望朝霞於赤岬南兖州記曰瓜步山東五里

云赤岸若朝霞郭景純祝黃石於穀城雖陽岐之能

買豈北印之可平魏明帝欲平北印山登陳音以之

而立號陳音山昔有善射者陳音越王使簡士習射

於郊外死因墓焉冢壁悉化作騎射之象因張嶮因之而得名張稷為劍令至雲氣或成於

宮闕風雨曾避於嶠陵巴夫少室登仙之臺句曲華

陽之洞燕然勒名祁連作冢或功伐攸彰或靈仙所

重若過之而身熱經之而頭痛

漢書曰杜欽說大將軍王鳳曰爛賓國道

歷大頭痛山小頭痛山赤土身熱之阪

徒為患於蠻陌而無資於財用

水類賦

夫潤萬物者莫潤乎水若乃翫文章於濶渙修祓除於溱洧飲玄洲之似蜜味晉安之如醴或見漸車或稱濡軌歌屈原之濯纓耻巢父之洗耳若夫挹彼注茲沫之游之傳既聞於流惡詩亦言其樂飢象存習坎性在乘衰淮南子曰水之性循勢而行乘衰而流注衰下也湛靈源於踈勒後漢書曰耿恭為戊巳校尉以踈勒城旁有澗水無水乃嘆曰昔貳師將軍按佩刀刺山而泉湧乃整衣向井拜於是飛流奔出眾皆稱萬歲因揚泉示

名山記

卷之一

三三

晉六十三仇

虜虜以為湧清流於貳師至於懷山襄陵浮天載地

滿而後進盈而不概知檻沈之殊名

爾雅曰檻泉正出湧出也沃泉

縣出下出也沈泉穴出及出也

涉冬春而凝泮量深淺而揭厲爾其

流感沸

詩曰感沸檻泉

道靈長

郭璞江賦咨五財之並用嘉木德之靈長

天齊之

泉帝臺之漿

山海經曰高前之山其上有水焉甚寒而清帝臺之漿水也

驚迅湍

於灑預駭懸流於呂梁則有臭過椒蘭

列子曰禹治水土迷之一

國無風雨霧露不生鳥獸有山名壺領頂有口若圓環名曰滋穴有水湧出名曰神瀆臭過椒蘭味過醪醴

利穿金石

淮南子曰水之為物擊之無創射之不傷斬之不斷焚之不燃利穿金石功濟

下天河分簡潔渠名鄭白美君子之為交歎小人之是

溺禮著淵泉祭名清滌偉文公之獨見

後漢書曰任文公巴郡人

郡人為治中時天大旱白刺史曰五月一日當有大水宜為預備刺史不聽文公獨儲大船百姓或信文公頗為防者至其月日中雲起湏臾雨至哺時湍水湧起十餘丈突壞廬舍所害數千人美公沙

之先識後漢書曰公沙穆銳思河洛推步之術未壽元大雨水三輔以東無不漂沒穆豫告百

姓徙居高地故異出今同流載舟今覆舟美彼上善

老子曰上善若水水嘉其至柔老子曰水天下之至柔馳騁天下之至剛

感若思之置坐唐書曰孔若思常謂人仕至中即足矣及遷庫部郎乃置一石止水於坐

右示止為左慈之逆流抱朴子曰左慈以氣禁水水足之意為逆流一二丈禁水著中庭

露之大至於閔彼流漣乘之泐泐潤下潛滋朝宗遠

驚歎逝者之如斯處眾人之所惡美夫不雜則清莫

動則平五色不得不彰百事不得不成識武都之泥

名山記隴右記曰武都紫水有泥其色紫而粘見幽士之

紫貢之用封璽書故詔誥有紫泥之美

蛇青在成都者以錦為號出房陵者以粉為名荆州

陽縣粉水源出房陵取其別有夫餘沈毛廣志曰弱

水為粉鮮紫異於餘水化為血元初中穎川襄城水化為

北不勝襄城化血化為血元初中穎川襄城水化為

血不范雲慕仁而不忘韶州圖經曰曲江縣修仁水

為始興至修仁酌而飲之賦詩曰三楓何習吳隱酌

習五渡何悠悠且飲修仁水不挹皆邪流吳隱酌

貪而愈潔晉書曰吳隱之為廣州石門有貪泉傳云飲者貪隱之酌而飲之為詩曰嶺南有

一水號曰貪泉深若使新豐則時平乃清臨淄則世

夷齊飲終當不易心亂而竭述征記曰臨淄山下有女水齊人諺曰世

彌載及宋武北淮為滌江為沱漢為潛洛為波美陳

征乃激洪流

宣之納諫謝承後漢書曰建武中洛水出造津城門

而水退况聖人也或欲築塞之陳宣謀曰昔王尊正身金隄

言水絕而水去避王商之止訛漢書曰建始中京

大水至成帝召公卿議大將軍王鳳以為太后與上

及後宮可御舟船令吏民上長安城以避水群臣皆

從鳳議左將軍王商獨曰自古無道之國水猶不冒

城郭今聖政和平上下相安何因當有大水一日暴

至此必訛言也不宜重驚百姓上乃投舒姑而靈變

止有頃長安中稍定問之果訛言也宣城記曰臨城縣蓋山有姑泉俗傳有舒氏女與父

折薪女坐泉處忽牽挽不動父遠告家比還唯見清

泉湛然毋云女好音樂乃沈滄浪而浩歌或曰均堂

作絃歌泉湧流雙鯉赴節或稱瀾洑爾雅釋水曰泉一見一否為濺一有水味

識淄澠聞穀洛蓋權輿於一勺稽夫循而難毀親

而不尊動則叶乎智者靜則合乎聖人莊子曰水靜

則明燭鬚眉

名山記水靜猶明而况或浸彼苞蕭或不流東薪女媧之積

蘆灰淮南子曰往古之時四極廢九州裂水浩夏禹

之鑿龍門及夫瞻瀏其詩曰劉觀其彼詩曰彼彼泉

玄灞素漣之名潘岳西征賦曰玄温洛榮河之瑞乾

鑿度曰盛德之應洛水先温九日乃寒五日變為五

色玄黃尚書中侯曰堯修壇河洛榮先出河休氣四

塞既近之而易溺亦既之而多死下令斯同錯國於

不傾之地下令臣心是比漢書曰趙昌佞諂奏尚書

於流水之源責崇曰君門如市人何以欲禁切任重致遠之功激

濁揚清之美君子曰水有四德沐浴群生通流萬物

犯弱而難勝勇也道江承瓠葉以泉渟博物志曰庭

流河惡盈流謙智也

銀銅鐵器盛之皆發績籠而波委述征記曰梁鄒城
婦誠感神明涌泉發於室內潛以績籠覆之由是無
泉遂涌流漂居至有陷空桑之里呂氏春秋曰有洗
兒于空桑之中獻之其君命庖人養之察其所以然
曰其毋伊水之上嘗夢神人告之曰曰出水而東走
明曰視曰果出水告其隣東走十里而故化歷陽之
邑盡為水身因化為空桑故命之曰伊尹化歷陽之
都淮南子曰歷陽有老嫗常行仁義有過者謂曰此
此嫗數往視門門吏問之嫗對如其言吏殺鷄以血
塗門明日嫗早往視門有血便走上山歷陽遂沒為
湖梧浮曲岸月射方諸詠鮑照之九塗鮑照詩曰九
闕以望馬氏之行車後漢書曰明德馬后好儉常曰
浮雲望馬氏之行車前過濯龍門見外家起居者車
如流水馬如龍顧洛宜禾而渭宜黍方有玉而圓有
視御者不及遠矣

名山記

不卷之一

又三五

珠勺蠡而滄海寧測決江則波臣有餘斯流濕之為
美豈獨薦獻於潢汚

中國五嶽記

唐杜光庭

東嶽泰山嶽神天齊王領仙官玉女九萬人山周迴
二千里在兗州奉符縣羅浮山括蒼山為佐命蒙山
東山為佐理南嶽衡山嶽神司天王領仙官玉女三
萬人山周迴二千里以霍山潛山為儲副天台山句
曲山為佐理中嶽嵩高山嶽神中天王領仙官玉女
一十二萬人為五土之主周迴一千里洛州告成縣
少室山東京武當山為佐命太和山陸渾山同佐理

西嶽華山嶽神金天王領仙官玉女七萬人山周迴二千里在華州華陰縣地肺山女几山為佐命西域山青城山峨眉山蟠冢戎山西玄吳山同佐理北嶽恒山嶽神安天王領仙官玉女五萬人山周迴二千里在鎮州河逢抱犢山為佐命玄隴山崆峒山洛陽山為佐理

十大洞天記

唐杜光庭

第一王屋洞小有清虛天周迴萬里王褒所理在洛州王屋縣第二委羽洞大有虛明天周迴萬里司馬季主所理在武州第三西城洞太玄總真天周迴三

名山記

卷之一

三十六

三百六

千里王方平所理在蜀州第四西玄洞三玄極真天廣二千里裴君所理在金州第五青城洞寶仙九室天廣二千里竇真君所理在蜀州青城縣第六赤城洞上玉清平天廣八百里王君所理在台州唐興縣第七羅浮洞朱明耀真天廣一千里葛洪所理在博羅縣屬修州第八句曲洞金壇華陽天廣百五十里茅君所理在潤州句容縣第九林屋洞左神幽墟天廣四百里龍威丈人所理在蘇州吳縣第十括蒼洞成德隱真天廣三百里平仲節所理在台州樂安縣

五鎮海濱記

杜光庭

東鎮沂山東安王在沂州南鎮會稽山永興公在越州中鎮霍山應聖公在晉州西鎮吳山成德公在隴州北鎮醫巫閭山廣寧公在營州東海廣德王在萊州界南海廣利王在廣州界西海廣潤王在同州界北海廣澤王在洛州界江瀆東廣源王在益州立春祭淮瀆南長源王在唐州立夏祭河瀆西靈源王在同州立秋祭濟瀆北青源王在洛州立冬祭漢瀆漢源王在梁州

三十六洞天記

杜光庭

霍童山霍林洞天三千里在福州寧德縣太山蓬玄

名山記

卷之一

三十三

三百十

洞天一千里在兗州乾封縣衡山朱凌洞天七百里在衡州衡山縣華山總真洞天三百里在西嶽常山總玄洞天一百里在北嶽嵩山司真洞天三千里在中嶽峨眉山虛凌太妙洞天三百里在嘉州峨眉縣廬山洞虛詠真洞天三百里在江州潯陽縣九天使者四明山丹山赤水洞天一百八十里在越州餘姚縣劉樊得道會稽山極玄陽明洞天三百里在越州會稽縣夏禹探書方白山德玄洞天五百里在京兆醵屋縣太上所現壇西山天寶極玄洞天三百里在洪州南昌縣洪崖所居大圍山好生上元洞天三百

里在潭州醴陵縣傅天師所居石室仙壇潛山天柱
司玄洞天一千三百里在舒州桐城縣九天司命武
夷山昇真化玄洞天百二十里在建州建陽縣毛竹
武夷君鬼谷山貴玄思真洞天七十里在信州貴溪
縣華蓋山容城太玉洞天四千里在温州永嘉縣玉
笥山太秀法樂洞天百二十里在吉州新淦縣蓋竹
山長耀寶光洞天八十里在台州黃岩縣葛仙公所
居都嶠山太上寶玄洞天八十里在容州白石山秀
樂長真洞天七十里在容州北源勾漏山玉闕寶圭
洞天三十里在容州有石室丹井九疑山湘真太虛
名山記

不卷之一

洞天三十里在道州延唐縣洞陽山洞陽隱觀洞天
百五十里在潭州長沙縣幕阜山玄真太元洞天二
百里在鄂州唐軍縣吳孟上昇處大酉山大酉華妙
洞天一百里在辰州界金庭山金庭崇妙洞天三百
里在越州剡縣褚伯玉沈休文居之麻姑山丹霞洞
天一百五十里在撫州南城縣麻姑上昇仙都山仙
都祈仙洞天三百里在處州縉雲縣黃帝上昇青田
山青田大鶴洞天四十里在處州青田縣葉天師居
之天柱山大滌玄蓋洞天一百里在杭州餘杭縣天
柱觀鍾山朱湖太生洞天一百里在潤州上元縣良

常山良常方會洞天三十里在茅山東北中茅君所
居桃源山白馬玄光洞天七十里在朗州武陵縣金
華山金華洞元洞天五十里在婺州金華縣有皇初
平赤松觀紫蓋山紫玄洞盟洞天八十里在韶州曲
江縣

七十二福地記

桂光庭

地肺山在茅山有紫陽觀乃許長史宅石磻源在台
州黃巖縣嶠嶺東仙源在温州白溪南田在處州青
田玉瑤山在温州海中青嶼山在東海口崆峒山在
夏州黃帝所到郁木坑在吉州玉笥山玉梁觀乃蕭

名山記

不卷之一

三十九

三百五十六

子雲宅武當山在均州七十二洞君山在岳州青草
湖中桂源在連州抱福山廖先生宅靈墟在台州天
台山司馬天師居處沃州在越州郊縣天姥岑在台
州天台南劉阮迷路處若耶溪在越州南樵風徑巫
山在夔州大仙壇清遠山在婺州浦陽縣東白山安
山在交州安期先生居處馬嶺在郴州蘇耽上昇處
鷺羊山在長沙縣許君斬蜃處洞真壇在長沙南嶽
祝融峯洞宮在長沙北洞靈源在衡州南嶽招仙觀
上峰陶山在温州安固縣貞白先生修藥處爛柯山
在衢州信安縣龍虎山在信州貴溪縣天師宅勒溪

在建州建陽縣靈應山在饒州北施真人宅白水源
在龍州金精山在虔州虔化縣張女貞修道處閣皂
山在吉州新淦縣天師行化處始豐山在洪州豐城
縣道遙山在洪州連西山許真君修道處東白源在
洪州新建縣鍾真人宅鉢池在楚州北王真人修道
處論山在丹徒縣毛公壇在蘇州洞庭湖中包山七
十二壇劉根先生修道處九華山在池州青陽縣竇
真人上昇處桐栢山在唐州桐栢縣淮水上源平都
山在忠州鄂都縣陰君上昇處綠蘿山在常德武陵
北章觀山在澧州澧陽縣抱犢山在潞州上黨莊周
名山記
卷之一
四十一

所居大面山在蜀州青城山羅真人所居虎溪在湖
州安吉縣方真人修道處元晨山在江州都昌縣馬
跡山在舒州王先生修洞淵法處德山在朗州武陵
縣善卷先生居古名枉山鷄籠山在和州歷陽縣玉
峰在藍田縣商谷在商州上洛縣四皓所隱處陽羨
山在常州義興縣張公洞長白山在兗州中條山在
河中末樂縣侯真人上昇處霍山在壽州雲山在朗
州武陵縣四明山在梨州魏徵上昇處緱氏山在洛
州緱氏縣子晋上昇處臨邛山在邛州臨邛縣白鶴
山相如所居少室山在河南府連中嶽翠微山在西

安府終南太一觀太隱山在明州慈谿縣天寶觀白
鹿山在杭州天柱山吳天師所隱大若巖在温州永
嘉縣貞白先生修真誥處嶧山在萊州嶗嶧山仙公
會真處西白山在越州郊縣趙廣信上昇處天印山
在昇州上元縣洞玄觀仙公行化處金城山在雲中
郡三皇井在溫州仙巖山沃壤在海州東海縣二疎
修道處

游名山記卷之一

名山記

不卷之一

十一